

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

**Broj: 01- 45-12419/23**

\*\*\*\*\*  
**ZAPISNIK  
S TRIDESETČETVRTE SJEDNICE  
GRADSKOG VIJEĆA ZENICA  
održane 30. MAJA 2023. godine**  
\*\*\*\*\*

**Maj, 2023. godine**

**ZAPISNIK S 34. SJEDNICE GRADSKOG VIJEĆA ZENICA,  
ODRŽANE 30.05.2023. GODINE**

Sjednica je počela s radom u 10.15 sati.

Sjednicom je predsjedavao Mirza Husetić, predsjedavajući Gradskog vijeća Zenica, koji je nakon uvodnog pozdrava, konstatovao da 34. sjednici Gradskog vijeća prisustvuje 25 vijećnika. Vijećnik Elvir Purić najavio je odsustvo sa sjednice.

Za 34. sjednicu Gradskog vijeća Zenica predložen je sljedeći dnevni red:

- 1. Zapisnik s 33. sjednice Gradskog vijeća Zenica, održane 26.04.2023. godine**
- 2. Vijećnička pitanja i inicijative**
- 3. Izvještaj o radu Agencije ZEDA za 2022. godinu**  
IZVJESTILAC: Senad Pašalić, direktor Zeničke razvojne agencije ZEDA d.o.o. Zenica
- 4. Izvještaj o poslovanju JP "Tržnica" d.o.o. Zenica u 2022. godini**  
IZVJESTILAC: Selma Vidimlić, direktorica JP "Tržnica" d.o.o. Zenica
- 5. Izvještaj o poslovanju Privrednog društva „RDM“ d.o.o. Zenica za 2022. godinu**  
IZVJESTILAC: Adnan Šabani, direktor Privrednog društva „RDM“ d.o.o. Zenica
- 6. Izvještaj o poslovanju JP "Parking servis" d.o.o. Zenica za 2022. godinu**  
IZVJESTILAC: Armin Kurtagić, direktor JP "Parking servis" d.o.o. Zenica
- 7. Izvještaj o poslovanju JP "Vodovod i kanalizacija" d.o.o. Zenica za 2022. godinu**  
IZVJESTILAC: Emir Pašalić, direktor JP "Vodovod i kanalizacija" d.o.o. Zenica
- 8. Izvještaj o poslovanju JP „ZENICAGAS“ d.o.o. Zenica za 2022. godinu**  
IZVJESTILAC: Sandino Rizvanović, direktor JP „ZENICAGAS“ d.o.o. Zenica
- 9. Izvještaj o radu JU Gradska biblioteka Zenica za 2022. godinu**  
IZVJESTILAC: Nermin Ormanović, direktor JU Gradska biblioteka Zenica
- 10. Izvještaj o radu JU Muzej grada Zenice za 2022. godinu**  
IZVJESTILAC: Adnadin Jašarević, direktor JU Muzej grada Zenice
- 11. Izvještaj o radu JU Predškolski odgoj i obrazovanje Zenica za 2022. godinu**  
IZVJESTILAC: Jasmina Gasal, direktorica JU Predškolski odgoj i obrazovanje Zenica
- 12. Informacija o radu Policijske uprave I Zenica sa pregledom stanja bezbjednosti za period januar-decembar 2022. godine**  
IZVJESTILAC: Mladen Kolak, načelnik PU I Zenica
- 13. Prijedlog Zaključka o davanju saglasnosti Kukuruz Admiru na ugovor o kupoprodaji nekretnine**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 14. Prijedlog Zaključka o davanju saglasnosti društvu ŽALUZINE STYLE D.O.O. za prodaju nekretnine**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina

- 15. Prijedlog Rješenja o imenovanju stalne Komisije za provođenje postupaka javnih konkursa - nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica**  
IZVJESTILAC: Fuad Kasumović, Gradonačelnik Grada Zenica
- 16. Prijedlog dodjele mandata predsjednika i članova savjeta mjesnih zajednica**  
IZVJESTILAC: Rešid Hadžić, šef Odsjeka za poslove MZ
- 17. Prijedlog Odluke o utvrđivanju javnog interesa radi izgradnje ambulate porodične medicine i društvenog doma sa pratećim sadržajima u Mjesnoj zajednici Perin Han**  
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina

Vijećnici su s 19 glasova „ZA“, bez glasova „PROTIV“ i 7 glasova „UZDRŽAN“ prihvatili obrazloženi prijedlog vijećnika Denana Pašalića za dopunu dnevnog reda pod rednim brojem dva: Inicijativa za pokretanje krivične odgovornosti odgovornih lica u JP Ceste F BiH, s prijedlogom zaključka: Zadužuje se Gradska uprava da, putem Gradskog pravobranilaštva, podnese krivičnu prijavu protiv odgovornih lica u JP Ceste Federacije BiH d.o.o. Sarajevo zbog sumnje u počinjenje krivičnog djela zloupotrebe službene dužnosti i ovlaštenja iz razloga što se nepostupanjem prema podnesenim zahtjevima Grada Zenica čini ogromna šteta i sprečava razvoj Grada, odnosno realizacija jednog od najboljih razvojnih projekata čija realizacija će stvoriti pretpostavke za zapošljavanje oko 1000 osoba samo u prvoj fazi uspostave Poslovne zone. Vijeće je prihvatilo da se pod rednim brojem tri razmatra Informacija o radu Policijske uprave I Zenica sa pregledom stanja bezbjednosti za period januar-decembar 2022. godine.

Za 34. sjednicu s 21 glasom „ZA“, bez glasova „PROTIV“ i 4 glasa „UZDRŽAN“ Vijeće je usvojilo sljedeći

#### **D N E V N I R E D:**

- Tačka 1. Zapisnik s 33. sjednice Gradskog vijeća Zenica, održane 26.04.2023. godine**  
**Tačka 2. Inicijativa za pokretanje krivične odgovornosti odgovornih lica u JP Ceste Federacije BiH d.o.o. Sarajevo**  
**Tačka 3. Informacija o radu Policijske uprave I Zenica za period 01.01.-31.12.2023. godine**  
**Tačka 4. Vijećnička pitanja i inicijative**  
**Tačka 5. Izvještaj o radu Zeničke razvojne agencije ZEDA d.o.o. Zenica za 2022. godinu**  
**Tačka 6. Izvještaj o poslovanju JP „Tržnica“ d.o.o. Zenica za 2022. godinu**  
**Tačka 7. Izvještaj o poslovanju Privrednog društva „Regionalna deponija Mošćanica“ d.o.o. Zenica za 2022. godinu**  
**Tačka 8. Izvještaj o poslovanju JP „Parking servis“ d.o.o. Zenica za 2022. godinu**  
**Tačka 9. Izvještaj o poslovanju JP „Vodovod i kanalizacija“ d.o.o. Zenica za 2022. godinu**  
**Tačka 10. Izvještaj o poslovanju JP „ZENICAGAS“ d.o.o. Zenica za 2022. godinu**  
**Tačka 11. Izvještaj o radu JU Gradska biblioteka Zenica za 2022. godinu**  
**Tačka 12. Izvještaj o radu JU Muzej grada Zenice za 2022. godinu**  
**Tačka 13. Izvještaj o radu JU Predškolski odgoj i obrazovanje Zenica za 2022. godinu**  
**Tačka 14. Prijedlog Zaključka o davanju saglasnosti Kukuruz Admiru na ugovor o kupoprodaji nekretnine**  
**Tačka 15. Prijedlog Zaključka o davanju saglasnosti društvu ŽALUZINE STYLE D.O.O. za prodaju nekretnine**  
**Tačka 16. Prijedlog Rješenja o imenovanju stalne Komisije za provođenje postupaka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica**  
**Tačka 17. Prijedlog dodjele mandata predsjednika i članova savjeta mjesnih zajednica**  
**Tačka 18. Prijedlog Odluke o utvrđivanju javnog interesa radi izgradnje ambulate porodične medicine i društvenog doma sa pratećim sadržajima u Mjesnoj zajednici Perin Han**

Izvještaji komisija Vijeća dostavljeni su pred sjednicu.

**Tačka 1. Zapisnik s 33. sjednice Gradskog vijeća Zenica, održane 26.04.2023. godine**

Zapisnik s 33. sjednice Gradskog vijeća Zenica usvojen je bez primjedbi s 25 glasova „ZA“, bez glasova „PROTIV“ i bez glasova „UZDRŽAN“.

## **Tačka 2. Inicijativa za pokretanje krivične odgovornosti odgovornih lica u JP Ceste Federacije BiH d.o.o. Sarajevo**

Nije bilo potrebe za uvodnim napomenama.

U diskusiji su učestvovali vijećnici: Emina Tufekčić, Nermin Mehić, Šerif Patković i Elvis Alijagić. U diskusiji su, također, učestvovali Gradonačelnik Grada Zenica Fuad Kasumović i Mirsad Heleg, savjetnik Gradonačelnika za komunalne djelatnosti i infrastrukturu.

Na zahtjev Kluba vijećnika SDP predsjedavajući Vijeća je u 10.51 sati dao pauzu u trajanju od pet minuta, pa je sjednica nastavila s radom u 11.00 sati.

Po zaključenju rasprave, vijećnici su sa 21 glasom „ZA“, bez glasova „PROTIV“ i 5 glasova „UZDRŽAN“ donijeli zaključak o usvajanju Inicijative za pokretanje krivične odgovornosti odgovornih lica u JP Ceste Federacije BiH d.o.o. Sarajevo:

I - Usvaja se Inicijativa za pokretanje krivične odgovornosti odgovornih lica u Javnom preduzeću Ceste Federacije BiH d.o.o. Sarajevo.

II - Zadužuje se Gradska uprava da putem Gradskog pravobranilaštva podnese krivičnu prijavu protiv odgovornih lica u JP Ceste Federacije BiH d.o.o. Sarajevo zbog sumnje u počinjenje krivičnog djela zloupotrebe službene dužnosti i ovlaštenja iz razloga što se nepostupanjem prema podnesenim zahtjevima Grada Zenica čini ogromna šteta i sprečava razvoj Grada, odnosno realizacija jednog od najboljih razvojnih projekata čija realizacija će stvoriti pretpostavke za zapošljavanje oko 1000 osoba samo u prvoj fazi uspostave Poslovne zone.

Vijeće je s 27 glasova „ZA“, bez glasova „PROTIV“ i bez glasova „UZDRŽAN“ usvojilo prijedlog zaključka vijećnika Nermina Mehića:

I - Gradsko vijeće Zenica predlaže Vladi Federacije BiH da izvrši kategorizaciju magistralnog puta M17 od Janjića do Pečuja u regionalni put od značaja za Grad Zenica.

## **Tačka 3. Informacija o radu Policijske uprave I Zenica za period 01.01.-31.12.2023. godine**

Uvodne napomene dao je Mladen Kolak, načelnik PU I Zenica.

U raspravi su učestvovali vijećnici: Emina Babić, Denan Pašalić, Semir Huseinović, Adnan Šut, Emina Tufekčić, Osman Šuvalić, Edisej Sjerotanović, Ekrem Tuka i Nermin Mehić. U raspravi su učestvovali Fuad Kasumović, Gradonačelnik Grada Zenica, te Mladen Kolak, načelnik PU I Zenica, koji je odgovorio na pitanja vijećnika učesnika u diskusiji.

Po zaključenju rasprave, vijećnici su se izjasnili o Informaciji o radu Policijske uprave I Zenica za period 01.01.-31.12.2022. godine s 13 glasova „ZA“, bez glasova „PROTIV“ i 9 glasova „UZDRŽAN“.

Vijeće je s 21 glasom „ZA“, bez glasova „PROTIV“ i bez glasova „UZDRŽAN“ usvojilo prijedlog zaključka vijećnice Emine Tufekčić:

I - Traži se od Policijske uprave I Zenica da Gradskoj upravi Grada Zenica dostavi pregled lokacija na kojima su se desile saobraćajne nesreće uzrokovane lošom horizontalnom i vertikalnom signalizacijom i pregled lokacija na kojima se dešavaju fizički napadi na žene i djevojke.

## **Tačka 4. Vijećnička pitanja i inicijative**

Vijećnička pitanja postavili su, odnosno vijećničke inicijative podnijeli vijećnici: Sanjin Aldobašić, Emina Babić, Vernes Menzilović, Elmedina Hasanspahić, Sabira Dizdarević, Namir Škaljo, Elmir Duvnjak, Nermin Mehić i Safet Brkić.

Vijećnik Sanjin Aldobašić ponovio je svoju raniju inicijativu za sanaciju platoa kod sjeverne tribine stadiona Bilino polje. Vijećnica Emina Babić postavila je vijećnička pitanja: Da li je prije postavljanja rampe na lokalitetu Smetovi riješen problem parkinga za automobile? Zbog čega je na gotovo svim gradskim travnatim površinama trava nepokošena, a na nekim mjestima doseže i do 2 m visine? Zašto se ne izdaje nalog preduzeću Alba Zenica d.o.o. za čišćenje korita rijeke Bosne?

Vijećnik Vernes Menzilović podnio je inicijativu za izmjenu i dopunu Odluke o komunalnom redu i Odluke o mjesnim vodovodima, te za iznalaženje rješenja za korištenje prostora i za pružanje finansijske

pomoći Udruženju „Budimo prijatelji“. Vijećnica Elmedina Hasanspahić podnijela je inicijativu za izgradnju malonogometnog igrališta kod škole u MZ „Babino“. Postavila je dva vijećnička pitanja: za rješavanje problema fekalne kanalizacije naselja Kelave od ulice Hadžije Mazića put do broja 161, MZ „Perin Han“ i za promjenu naziva MZ „Sebuje“ u MZ „Trešnjava glava“. Vijećnica Sabira Dizdarević postavila je pitanje: Da li je potpisan ugovor o redovnom održavanju putne infrastrukture na području Grada Zenica? Vijećnik Namir Škaljo postavio je pitanje zašto nije izgrađena fekalna kanalizacija u MZ „Mošćanica“, jesu li riješeni imovinsko-pravni odnosi i postoji li glavni projekt? Također, postavio je pitanje: Zašto Vijeće Grada Zenica još uvijek nije razmatralo planove ulaganja u oblasti cestovne infrastrukture i u oblasti vodovodne infrastrukture za 2023. godinu? Vijećnik Adnan Šut postavio je pitanje u vezi s izgradnjom i rekonstrukcijom lokalnog puta prema Smetovima kao i lokalnog puta Peševići-Poce: Da li će doći do realizacije ugovora o prijateljskom okruženju i kada? Vijećnik Elvis Alijagić podnio je inicijativu za otvaranje još jednog zajedničkog naplatnog mjesta, odnosno naplatne službe u centru grada, te inicijativu za preduzimanje određenih radnji u cilju uređenja ili uklanjanja objekata koji su devastirani i svojim izgledom narušavaju ugled grada. Vijećnik Amel Šišić podnio je inicijative za izmjenu režima saobraćaja u ulici Bulevar Kulina bana, sanaciju i rekonstrukciju pločnika u ulici Maršala Tita, te za izgradnju spomen-obilježja u naselju Radakovo na mjestu pogibije Matee Jurić, prve civilne žrtve rata i uređenje navedene lokacije. Vijećnik Elmir Duvnjak podnio je inicijativu za rekonstrukciju platoa u ulici Armije RBiH. Vijećnik Edisej Sjerotanović postavio je pitanje u vezi s radom Azila za napuštene životinje: Da li je tačna informacija da su vrata otvorena i da nema pasa? Drugo pitanje odnosilo se na rekonstrukciju puta između Centra za obuku pripadnika uprave policije MUP-a ZDK u Lukovom polju i zgrade JP „Grijanje“. Vijećnik Nermin Mehić podnio je inicijativu za asfaltiranje puteva u MZ „Crkvice“ prema naselju Babina Rijeka, te inicijativu za rješavanje infrastrukturnih problema stanovnika u ul. Zmaja od Bosne bb, lamela 1 i 2 i ul. Sandžačka 1A i 1 B. Usmeno je podnio inicijativu za pomoć stanarima zgrade na adresi Crkvice 48 čiji su stanovi poplavljeni usljed pucanja glavne vodovodne vertikale. Vijećnik Safet Brkić postavio je pitanje u vezi s pridržavanjem vijećnika poslovnika Gradskog vijeća na koje pitanje je usmeno odgovorio predsjedavajući Vijeća Mirza Husetić.

Predsjedavajući Vijeća je, po zaključenju ove tačke dnevnog reda, u 13.00 sati dao pauzu u trajanju od sat vremena i najavio nastavak sjednice u 14.00 sati. Sjednica je nastavila s radom u 14.20 sati.

#### **Tačka 5. Izvještaj o radu Zeničke razvojne agencije ZEDA d.o.o. Zenica za 2022. godinu**

Nije bilo potrebe za uvodnim napomenama.

Za diskusiju se javio vijećnik Šerif Patković.

Vijeće je s 19 glasova „ZA“, bez glasova „PROTIV“ i bez glasova „UZDRŽAN“ usvojilo Izvještaj o radu Zeničke razvojne agencije ZEDA d.o.o. Zenica za 2022. godinu.

#### **Tačka 6. Izvještaj o poslovanju JP „Tržnica“ d.o.o. Zenica za 2022. godinu**

Nije bilo potrebe za uvodnim napomenama.

U diskusiji su učestvovali vijećnici: Vernes Menzilović, Denan Pašalić i Šerif Patković. U diskusiji je učestvovala Selma Vidimlić, direktorica JP „Tržnica“ d.o.o. Zenica koja je vijećnicima učesnicima u diskusiji odgovorila na postavljena pitanja.

Po zaključenju diskusije vijećnici su se izjasnili glasanjem o Izvještaju o poslovanju JP „Tržnica“ d.o.o. Zenica za 2022. godinu i isti usvojili s 21 glasom „ZA“, bez glasova „PROTIV“ i 3 glasa „UZDRŽAN“.

#### **Tačka 7. Izvještaj o poslovanju Privrednog društva „Regionalna deponija Mošćanica“ d.o.o. Zenica za 2022. godinu**

Nije bilo potrebe za uvodnim napomenama.

U diskusiji su učestvovali vijećnici: Sanjin Aldobašić, Šerif Patković, Namir Škaljo i Elmir Duvnjak.

Adnan Šabani, direktor PD „RDM“ d.o.o. odgovorio je na pitanja koja su vijećnici postavili u raspravi.

Na zahtjev Kluba vijećnika Zenička inicijativa - Kasumović Fuad predsjedavajući Vijeća Mirza Husetić dao je u 15.05 sati pauzu u trajanju od pet minuta, pa je sjednica nastavila s radom u 15.15 sati.

Nakon pauze, vijećnici su se izjasnili glasanjem o Izvještaju o poslovanju Privrednog društva „Regionalna deponija Mošćanica“ d.o.o. Zenica za 2022. godinu s 5 glasova „ZA“, bez glasova „PROTIV“ i 12 glasova „UZDRŽAN“, pa je predsjedavajući Vijeća konstatovao da isti nije prihvaćen.

Vijećnici su se o prijedlogu zaključka vijećnika Namira Škalje da se sav iznos ostvarene dobiti PD RDM za 2022. godinu rasporedi kao neraspoređena akumulirana dobit izjasnili sa 14 glasova „ZA“, bez glasova „PROTIV“ i 8 glasova „UZDRŽAN“.

#### **Tačka 8. Izvještaj o poslovanju JP „Parking servis“ d.o.o. Zenica za 2022. godinu**

Nije bilo potrebe za uvodnim napomenama.

U diskusiji su učestvovali vijećnici: Emina Babić, Denan Pašalić, Namir Škaljo, Šerif Patković i Ekrem Tuka. Armin Kurtagić, direktor JP „Parking servis“ d.o.o. Zenica odgovorio je na pitanja vijećnika učesnika u raspravi.

Po zaključenju diskusije vijećnici su se izjasnili glasanjem o Izvještaju o poslovanju JP „Parking servis“ d.o.o. Zenica za 2022. godinu i isti usvojili s 22 glasa „ZA“, bez glasova „PROTIV“ i 2 glasa „UZDRŽAN“.

Vijećnici su s 18 glasova „ZA“, bez glasova „PROTIV“ i 4 glasa „UZDRŽAN“ usvojili prijedlog zaključka vijećnika Namira Škalje:

Stav Gradskog vijeća Zenica je da Gradska uprava Zenica u budućnosti ne objavljuje javne nabavke za usluge održavanja saobraćajne signalizacije na području Grada Zenica nego da ove poslove obavlja JP „Parking servis“ d.o.o. Zenica.

#### **Tačka 9. Izvještaj o poslovanju JP „Vodovod i kanalizacija“ d.o.o. Zenica za 2022. godinu**

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnici: Elvis Alijagić, Emina Babić i Šerif Patković. Emir Pašalić, direktor JP „ViK“ d.o.o. Zenica odgovorio je na postavljena pitanja vijećnika učesnika u diskusiji.

Po zaključenju diskusije vijećnici su sa 21 glasom „ZA“, 1 glasom „PROTIV“ i 2 glasa „UZDRŽAN“ usvojili Izvještaj o poslovanju JP „Vodovod i kanalizacija“ d.o.o. Zenica za 2022. godinu.

#### **Tačka 10. Izvještaj o poslovanju JP „ZENICAGAS“ d.o.o. Zenica za 2022. godinu**

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnik Denan Pašalić i Sandino Rizvanović, direktor JP „Zenicagas“ d.o.o. Zenica.

Po zaključenju diskusije vijećnici su sa 18 glasova „ZA“, bez glasova „PROTIV“ i 2 glasa „UZDRŽAN“ usvojili Izvještaj o poslovanju JP „ZENICAGAS“ d.o.o. Zenica za 2022. godinu.

#### **Tačka 11. Izvještaj o radu JU Gradska biblioteka Zenica za 2022. godinu**

Nije bilo potrebe za uvodnim napomenama.

U raspravi niko nije učestvovao.

Vijećnici su s 22 glasa „ZA“, bez glasova „PROTIV“ i bez glasova „UZDRŽAN“ usvojili Izvještaj o radu JU Gradska biblioteka Zenica za 2022. godinu.

#### **Tačka 12. Izvještaj o radu JU Muzej grada Zenice za 2022. godinu**

Nije bilo potrebe za uvodnim napomenama.

U raspravi niko nije učestvovao.

Vijećnici su s 22 glasa „ZA“, bez glasova „PROTIV“ i bez glasova „UZDRŽAN“ usvojili Izvještaj o radu JU Muzej grada Zenice za 2022. godinu.

Na zahtjev Kluba vijećnika SDP predsjedavajući Vijeća Mirza Husetić dao je pauzu u 16.22 sati u trajanju od 10 minuta, pa je sjednica nastavila s radom u 16.33 sati.

#### **Tačka 13. Izvještaj o radu JU Predškolski odgoj i obrazovanje Zenica za 2022. godinu**

Uvodne napomene za ovu tačku dnevnog reda dala je Jasmina Gasal, direktorica Javne ustanove Predškolski odgoj i obrazovanje Zenica za 2022. godinu.

U diskusiji o ovoj tački dnevnog reda učestvovali su vijećnici: Denan Pašalić, Adnan Šut, Nermin Mehić, Osman Šuvalić, Ekrem Tuka i Aida Halać. Jasmina Gasal, direktorica JU Predškolski odgoj i obrazovanje Zenica za 2022. godinu odgovorila je na pitanja vijećnika učesnika u raspravi.

Na zahtjev Kluba vijećnika SDA predsjedavajući Vijeća Mirza Husetić dao je u 17.24 sati pauzu u trajanju od pet minuta, pa je sjednica nastavila s radom u 17.32 sati.

Nakon pauze, vijećnici su se izjasnili o Izvještaju o radu JU Predškolski odgoj i obrazovanje Zenica za 2022. godinu s 11 glasova „ZA“, 5 glasova „PROTIV“ i 7 glasova „UZDRŽAN“, pa je predsjedavajući Vijeća konstatovao da isti nije usvojen.

Vijećnici su se zatim izjasnili o prijedlogu zaključka vijećnika Nermina Mehića za smjenu Upravnog odbora i direktorice JU Predškolski odgoj i obrazovanje Zenica s 9 glasova „ZA“, 9 glasova „PROTIV“ i 7 glasova „UZDRŽAN“, pa je predsjedavajući Vijeća konstatovao da isti nije usvojen.

**Tačka 14. Prijedlog Zaključka o davanju saglasnosti Kukuruz Admiru na ugovor o kupoprodaji nekretnine**

Nije bilo potrebe za uvodnim napomenama.

U raspravi niko nije učestvovao.

Vijećnici su s 19 glasova „ZA“, bez glasova „PROTIV“ i 6 glasova „UZDRŽAN“ usvojili Prijedlog Zaključka o davanju saglasnosti Kukuruz Admiru na ugovor o kupoprodaji nekretnine.

**Tačka 15. Prijedlog Zaključka o davanju saglasnosti društvu ŽALUZINE STYLE D.O.O. za prodaju nekretnine**

Nije bilo potrebe za uvodnim napomenama.

U raspravi niko nije učestvovao.

Vijećnici su sa 18 glasova „ZA“, bez glasova „PROTIV“ i 6 glasova „UZDRŽAN“ usvojili Prijedlog Zaključka o davanju saglasnosti društvu ŽALUZINE STYLE D.O.O. za prodaju nekretnine.

**Tačka 16. Prijedlog Rješenja o imenovanju stalne Komisije za provođenje postupaka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica**

Nije bilo potrebe za uvodnim napomenama.

U raspravi niko nije učestvovao.

Vijećnici su sa 17 glasova „ZA“, 1 glasom „PROTIV“ i 7 glasova „UZDRŽAN“ usvojili Prijedlog Rješenja o imenovanju stalne Komisije za provođenje postupaka javnih konkursa – nadmetanja (licitacija) za raspolaganje neizgrađenim građevinskim zemljištem u vlasništvu Grada Zenica.

**Tačka 17. Prijedlog dodjele mandata predsjednika i članova savjeta mjesnih zajednica**

Nije bilo potrebe za uvodnim napomenama.

U raspravi niko nije učestvovao.

Vijećnici su s 19 glasova „ZA“, bez glasova „PROTIV“ i 5 glasova „UZDRŽAN“ usvojili prijedloge rješenja o dodjeli mandata predsjednika i članova savjeta mjesnih zajednica.

**Tačka 18. Prijedlog Odluke o utvrđivanju javnog interesa radi izgradnje ambulate porodične medicine i društvenog doma sa pratećim sadržajima u Mjesnoj zajednici Perin Han**

Nije bilo potrebe za uvodnim napomenama.

U diskusiji o ovoj tački dnevnog reda učestvovali su vijećnici: Nermin Mehić, Denan Pašalić i Safet Brkić. U diskusiji su, također, učestvovali Enver Sivac, vlasnik poslovnog prostora u prizemlju društvenog doma i Damir Omerčić, ispred JP BH Pošta d.o.o. Sarajevo – Centar pošta Zenica. U diskusiji je učestvovao Emir Delić, pomoćnik Gradonačelnika za imovinsko-pravne, geodetske poslove i katastar nekretnina, koji je ukazao na tehničku grešku u tački 5. prijedloga odluke gdje umjesto eksproprijacija zemljišta treba da stoji eksproprijacija poslovnog prostora. U diskusiji je, također, učestvovala Sumea Mujkanović, pomoćnica Gradonačelnika za socijalnu zaštitu, stambene poslove i društvene djelatnosti. Po zaključenju rasprave, vijećnici su se izjasnili o Prijedlogu Odluke o utvrđivanju javnog interesa radi izgradnje ambulate porodične medicine i društvenog doma sa pratećim sadržajima u Mjesnoj zajednici Perin Han s 20 glasova „ZA“, bez glasova „PROTIV“ i 5 glasova „UZDRŽAN“, pa je predsjedavajući Vijeća konstatovao da je isti usvojen.

Vijećnici su s 23 glasa „ZA“, bez glasova „PROTIV“ i bez glasova „UZDRŽAN“ usvojili prijedlog zaključka vijećnika Denana Pašalića:

I- Zadužuje se Služba za privredu, gradsku imovinu i upravljanje razvojem da organizuje sastanak sa svim vlasnicima prostora u prizemlju Društvenog doma „Babino“ kako bi se iznašlo rješenje za izvršenje rekonstrukcije krova i utopljavanje društvenog doma, te za premještaj ambulate porodične medicine s prvog sprata u prizemlje društvenog doma.

Sjednica je zaključena i završila s radom u 17.58 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

  
PREDSJEDAVAJUĆI  
GRADSKOG VIJEĆA  
Mirza Husetić